



MĀLŌ O SAMOA
MATĀGALUEGA O 'ĀOGA, TA'ALOGA MA AGANU'U

| NŪMERA Ā'OGA | | | | | | | | | |
|--------------|--|--|--|--|--|--|--|--|--|
| | | | | | | | | | |

SU'EGA AOAQ TAUSAGA 12 A SAMOA

GAGANA SĀMOA 2022

PEPA FESILI ma TALI

Taimi Fa'atulagaina: 3 Itūla & 10 Minute

FA'ATONUGA

1. E 10 minute e faitau ai ae le'i amataina ona tusi au tali.
2. Tusi lau **Nūmera Ā'oga (SEN)** i le avanoa o lo'o i le tulimanu taumatau pito i luga o le itūlau lenei.
3. **Tali uma fesili.** Tusi tali i avanoa o lo'o i totonu o lenei Pepa.
4. Afai e te mana'omia nisi pepa mo tali, ona fesili lea. Tusi lau Nūmera A'oga (SEN) i pepa fa'aopoopo uma ma tusi manino ai ma nūmera o fesili. Fa'apipi'i uma pepa fa'aopoopo i le vāega o lo'o iai fesili na taliina.

| ALAFUA MO MATA'UPU 'AO'AOINA | | Itūlau | Taimi (min) | Togi |
|------------------------------|-------------------------------|---------|-------------|------------|
| ALAFUA 1 | VĀEGA 'ESE'ESE O LE GAGANA | 2 – 3 | 22 | 9 |
| ALAFUA 2 | A'OINA 'O LE GAGANA | 4 – 7 | 26 | 16 |
| ALAFUA 3 | FA'AMAUMAUGA MA FETUFAĀ'IGA | 8 – 12 | 26 | 16 |
| ALAFUA 4 | FESO'OTA'IGA I ALAFA'ASALALAU | 13 – 17 | 40 | 21 |
| ALAFUA 5 | AGANU'U A SĀMOA | 18 – 22 | 40 | 22 |
| ALAFUA 6 | FA'AFIIFIAGA MA TA'ALOGA | 23 – 26 | 26 | 16 |
| | AOFA'IGA | | 180 | 100 |

Siaki lau Pepa po'o atoa itūlau mai le 2 – 27.

TU'U LE PEPA LENEI I LE FAISU'EGA PE'Ā MAE'A LE SU'EGA.

FA'ATONUUGA: Fili le tali aupito sa'o ona tusi lea o le mata'itusi o le tali sa'o i totonu o le tama'i pusa ua saunia mo Fesili 5 – 6.

5. Fa'ailoa mai le vaega o le gagana e iai le upu o lo'o vase lalo o le fuaiupu.

E **sautia** le falaoamata na falai ai panikeke.

- A. Suinauna
- E. Veape
- I. Nauna
- O. Soāveape

| | |
|--|----------------|
| | Tomai 'Ausia 1 |
| | |

6. Fa'ailoa mai le fa'aupuga o lo'o i lalo e lē talafeagai mo se fa'auilavea i taimi o fonotaga.

- A. Vaelupeina le saunoaga...
- E. Tapa fua i lou suafa...
- I. Aua le toliniu fitifiti...
- O. Ua sosopo le manuvale a'o e saunoa...

| | |
|--|----------------|
| | Tomai 'Ausia 1 |
| | |

FA'ATONUGA: Faitau manino le solo o lo'o i lalo ona tali ai lea o Fesili 7 - 11.

Fa'afetai, Fa'afetai tele, Fa'afetai lava

O a'u o Sināfa'alanu,
Sa ou utuvai i lo'u fia lanu.
Ua 'ula ua pale,
Ua a'e le tautai,
Aunoa se peau lagavale.

Fa'afetai le Atua, e ofoofogia oe,
Sa taumua ma tu i le foe,
A'o ta'aseu i le fa'amoemoe,
O le viiga, fai lea mo Oe.

Fa'afetai mātua, sa e tu'i le mulipapa,
Ua le mulilā ma po le fala.
O lapalapa o malō,
Ou te momoli atu i ō oulua tofaga.

Fa'afetai aiga, se ā ea launa na ia te au?
A'o le a ea sa'u e tali atu?
Ua e sa'a fa'aoti lau utu,
Ne'i o'u falōlō i nei atunu'u.

Fa'afetai le aumeamamae,
O oe o le uo moni,
Ua uso i ta'ua i lou fa'amaoni.
Ua atoa tino o le tama,
Fa'afetai, Fa'afetai tele, Fa'afetai lava.

Tusia e: Sa'u Moliemo Tauave.

7. Fuaiupu 1, laina 3, 4 ma le 5.

Fa'amatala auilili le feso'otaiga o ia laina o le solo aga'i i le autu.

Tomai 'Ausia 3

| |
|--|
| |
|--|

8. Fa'amatala le uiga o le fa'aupuga lea; **"Sa'a fa'aoti lau utu"** o lo'o i le (laina 3, fuaiupu 4).

| |
|----------------|
| Tomai 'Ausia 2 |
| |

9. **"Ua atoa tino o le tama"** fuaiupu 5, laina 4. Fa'ailoa mai le mata'aga fa'aleaganu'u e maua ai lea alagaupu ma le nu'u o lo'o iai.

| |
|----------------|
| Tomai 'Ausia 2 |
| |

FA'ATONUGA: Fili le tali aupito sa'o ona tusi lea o le mata'itusi o le tali sa'o i totonu o le tama'i pusa ua saunia mo Fesili 12 – 15.

12. Ta'u mai le tulaga o le upu **Ta** o lo'o iai i le fuaiupu o lo'o i lalo.

“**Ta** o i Apia e tope mai le fa'atau.”

- A. Soaveape
- E. Suinauna
- I. Nauna
- O. Upu o faiā

| |
|----------------|
| Tomai 'Ausia 1 |
| |

13. O lē fea o alagā'upu o lo'o i lalo na maua mai i le talatu'u iā Pili?

- A. O le toe Aso nai Moamoa.
- E. Ua ola i fale le la'au a le tamaita'i.
- I. O le upega e tautau ae fagota.
- O. Ua tata i tua o Fatitua la'i o Puava.

| |
|----------------|
| Tomai 'Ausia 1 |
| |

14. Ta'u mai se talatu'u na tō ai fa'amanuiaga ona o ta'aloga fa'asamoa.

- A. Tala ia Vaea ma Apaula.
- E. Tala ia Leatiogie.
- I. Tala ia Taema ma Tilafaiga.
- O. Tala ia Nafanua.

| |
|----------------|
| Tomai 'Ausia 1 |
| |

15. O le a se pinefa'amau vaaia o lo'o va'aia pea i nei aso e fa'amaonia ai le talatu'u iā Apaula?

- A. Mauga o Vaea.
- E. Tulaga vae o Moso.
- I. Ana o Seuao.
- O. Uafu i Matautu.

| |
|----------------|
| Tomai 'Ausia 1 |
| |

FA'ATONUAGA: Ua vaevaeina le Ālāfua lenei i vaega e lua, ma ua fa'apitoa mo le:

- I. **Gagana Fa'amauina**, ma le
- II. **Talatu'u**

I. **GAGANA FA'AMAUINA:**

- Filifili se Tala Pu'upu'u (**Tala Pupu'u**) po'o se (**Tala Moni**) po'o se (**Tala Fatu**) na e su'esu'eina e tali mai ai le vāega lenei.
- Fa'aaogā na'o tala o lo'o fa'amauina i le fa'asinoala.
- A tusi lau tali, ia aofia ma manino vāega nei;
 - Fa'amatalaga auili'ili manatu autū o le tali.
 - Fa'amalamalama lelei manatu o le tali e ala i pinefa'amau ma mausi'i mai le tala.

FESILI: Fa'ailoa mai ni **a'oa'oga se lua** o lo'o fa'ailoa mai i le tala ma fa'amatala manino po'o le ā se **tāua o ia a'oa'oga i lou olaga.**

TALI:

Igoa o le Tala:

Igoa o le Tusitala po'o lē na Fa'aliliuina:

II. TALATU'U:

FA'ATONUAGA: Fa'aaoga le Talatu'u iā Leatiogie e tali ai Fesili o lo'o i lalo.

19. Fa'asolo sa'o le talatu'u lenei mai le amataga seia o'o i le fa'ai'uga. Fa'aaoga mata'itusi e fa'asolo sa'o ai le tala.
- A. Ua mae'a le Amouta, tali fo'i le Amotai ma o lo'o manumalo pea Leatiogie. Ona totoe ai lea o le aso na i Moamoa lea o le a iloilo ai ma Salevaogogo.
 - E. Na momoli lapalapa o malō ina ua tau i manū le fa'amoemoe, aua o faiva e tapuaia, e i'u ma le manuia.
 - I. Na a'ave tala o le toa lenei o Salevaogogo i le ta'alogā lenei o le Aigofie, ua faigata ona fa'ato'ilalo e se isi.
 - O. Ona momo'o lea o le tama o Leatiogie le atali'i o Fe'epo e fia iloilo i lona malosī pei ona tala'iina mai.

Fa'asologa Sa'o:

- I. _____
- II. _____
- III. _____
- IV. _____

| |
|----------------|
| Tomai 'Ausia 4 |
| |

FA'ATONUGA: Fili le tali aupito sa'o ona tusi lea o le mata'itusi o le tali sa'o i totonu o le tama'i pusa ua saunia mo Fesili 20 – 22.

20. Ta'u mai se fa'ailoilo e fa'ailoa mai ai i le taliuta ua a'e le faiva a tautai ae o lo'o iai se fa'alavelave ua tupu?

- A. Vili le foe.
- E. Asu le foe a le tautai.
- I. Ua agiga le tatau.
- O. Ususū le tautai.

| |
|----------------|
| Tomai 'Ausia 1 |
| |

21. *“Ia malie lou finagalo i la'u fa'atali, ua lumāfale i moana ae tua i le papa.”*

O le fuaiupu o lo'o i luga o le fa'ata'ita'iga lelei lea o le gagana:

- A. Fa'atusatusa
- E. Fa'afitifiti
- I. Fa'amama'i
- O. Fa'asasano

| |
|----------------|
| Tomai 'Ausia 1 |
| |

22. Ta'u mai se va'aiga fa'alenua e fai ma fa'ailoilo o le a tō timuga.

- A. Malūlū le po.
- E. Fuga moso'oi.
- I. Felelei solo mogamoga i le po.
- O. Tagi le ti'otala.

| |
|----------------|
| Tomai 'Ausia 1 |
| |

FA’ATONUGA: Fili le tali aupito sa’o ona tusi lea o le mata’itusi o le tali sa’o i totonu o le tama’i pusa ua saunia mo Fesili 29 – 30.

29. A fa’atino le folafolasua a le taule’ale’a i fafo o le fale e tatau ona:

- A. musumusu lona fa’atinoina.
- E. leotele ma fa’asausau.
- I. fai se ‘ie faitaga lelei ma se elei.
- O. fa’aaoga se to’oto’o ma le fue.

| |
|---------------|
| Tomai Ausia 1 |
| |

30. O le matai tamali’i o le isi itūaiga matai lea o le aīga Sāmoa ma o ia e:

- A. faia upu a le matai tulafale.
- E. faia feau a isi matai o le aiga.
- I. nofo i le tala o le fale pe a fa’ata’oto le saofaiga a matai.
- O. tupuga mai i sulī sa’otā

| |
|---------------|
| Tomai Ausia 1 |
| |

FA’ATONUGA: Faitau manino fesili o lo’o mulimuli mai ona tusi lea o lau tali i avanoa ua saunia.

31. Fa’amatala le ese’esega o le **Fa’atafiti i faugafale** ma le **Fa’atafiti i fa’afiafiaga**.

| |
|----------------|
| Tomai ‘Ausia 2 |
| |

| NŪMERA Ā'OGA | | | | | | | | | |
|--------------|--|--|--|--|--|--|--|--|--|
| | | | | | | | | | |

GAGANA SĀMOA

2022

(Mō le Togipepa)

| | ĀLĀFUA | TOGI | TOGI 'AUSIA | TOGI AOFA'I |
|----------|-----------------------------------|------------|----------------|----------------|
| ĀLĀFUA 1 | VĀEGA 'ESE'ESE O LE GAGANA | 9 | | |
| ĀLĀFUA 2 | A'OINA O LE GAGANA | 16 | | |
| ĀLĀFUA 3 | FA'AMAUMAUGA & FETUFAA'IGA | 16 | | |
| ĀLĀFUA 4 | FESO'OTA'IGA I ALA FA'ASALALAU | 21 | | |
| ĀLĀFUA 5 | AGANU'U A SAMOA | 22 | | |
| ĀLĀFUA 6 | FA'AFIAFIAGA MA TA'ALOGA | 16 | | |
| | AOFA'IGA | 100 | | |